



অবিলম্বে প্রকাশের উদ্দেশ্যে: 3/29/2023

গভর্নর ক্যাথি হোকল

এম্পায়ার স্টেটজুড়ে ব্রডব্যান্ড অবকাঠামো সম্প্রসারণ করা এবং 100,000 সুবিধাবঞ্চিত পরিবার ও বাড়িতে উচ্চ-মানসম্মত ইন্টারনেট সেবা প্রদানের জন্য নিউ ইয়র্ক স্টেট 100 মিলিয়ন ডলারের ফেডারেল তহবিল লাভ করবে বলে গভর্নর হোকল, সংখ্যাগরিষ্ঠ অংশের নেতা স্কুমার, সিনেটর গিলিব্র্যান্ডের ঘোষণা

*অত্যন্ত গুরুত্বপূর্ণ পরিষেবার ঘাটতি থাকা গ্রামীণ ও শহুরে কমিউনিটিগুলোতে সুবিধাবঞ্চিত কমিউনিটিগুলোর কাছে দ্রুত ও সাশ্রয়ী উচ্চ-গতির ইন্টারনেট পৌঁছে দেওয়ার জন্য আমেরিকান রেসকিউ প্ল্যানের 10 বিলিয়ন ডলারের মূলধনী প্রকল্পের তরফ থেকে এই তহবিল প্রদান করা হচ্ছে*

*হোকল, স্কুমার, গিলিব্র্যান্ড: আমেরিকান রেসকিউ প্ল্যান NYS-এ ডিজিটাল বিভেদ কমিয়ে আনার প্রচেষ্টা এগিয়ে নেওয়ার ক্ষেত্রে বড় ধরনের উন্নতি নিয়ে আসছে*

গভর্নর ক্যাথি হোকল, যুক্তরাষ্ট্রের সিনেটের সংখ্যাগরিষ্ঠ অংশের নেতা চার্লস ই. স্কুমার, এবং যুক্তরাষ্ট্রের সিনেটর ক্রিস্টিন গিলিব্র্যান্ড আজ ঘোষণা করেছেন যে উচ্চ-গতির ইন্টারনেট সুবিধা সম্প্রসারণের জন্য আমেরিকান রেসকিউ প্ল্যানের (American Rescue Plan) মাধ্যমে যুক্তরাষ্ট্রের কোষাগার বিভাগের (Department of Treasury) তরফ থেকে নিউ ইয়র্ক স্টেট 100 মিলিয়ন ডলারের ফেডারেল তহবিল লাভ করবে। এটি দেশের মধ্যে সাশ্রয়ী আবাসিক সংযোগের জন্য সর্ববৃহৎ টার্গেটকৃত বিনিয়োগ। নিউ ইয়র্কের অনুমান হলো এই তহবিল তাদেরকে স্টেটজুড়ে 100,000 বাড়ি ও পরিবারকে সাশ্রয়ী উচ্চ-গতির ইন্টারনেটের সাথে সংযুক্ত করার সুযোগ প্রদান করবে।

"নিউ ইয়র্কবাসীদেরকে কাজ, শিক্ষা, ও সরকারি পরিষেবাগুলোর সাথে সংযুক্ত করার জন্য সাশ্রয়ী, নির্ভরযোগ্য ব্রডব্যান্ড অ্যাক্সেস অপরিহার্য, কিন্তু অনেক বেশি সংখ্যক পরিবারের জন্য এটি এখনো নাগালের বাইরে রয়ে গেছে," বলেছেন গভর্নর হোকল। "নিউ ইয়র্কের হাজার হাজার ভাড়াটিয়ার জন্য উচ্চ-গতির ইন্টারনেট আনলক করার জন্য এই অতি গুরুত্বপূর্ণ অর্থায়ন আমাদের কানেক্টঅল (ConnectALL) ব্রডব্যান্ড উদ্যোগের সফলতার সঙ্গে যোগ হবে এবং একইসাথে আরো বেশি সাশ্রয়ী আবাসন নির্মাণ ও সংরক্ষণের জন্য আমাদের পাঁচ বছর মেয়াদী পরিকল্পনার লক্ষ্যসমূহ বাস্তবায়নে সহায়তা করবে। বাইডেন প্রশাসন এবং নিউ ইয়র্কের সিনেট ও কংগ্রেসনাল ডেলিগেশনের কল্যাণে, নিউ ইয়র্ক ডিজিটাল বিভেদ কমিয়ে আনা এবং

সবার জন্য ব্রডব্যাল্ড লভ্য করে তোলার ক্ষেত্রে দেশের মধ্যে নেতৃস্থানীয় ভূমিকা পালন করা অব্যাহত রাখবে।"

**সিনেটের সংখ্যাগরিষ্ঠ অংশের নেতা চার্লস স্কুমার বলেন,** "আমেরিকান রেসকিউ প্ল্যান থেকে আমি যে 100 মিলিয়ন ডলারের ফেডারেল তহবিল সংগ্রহ করেছি যা এখন নিউ ইয়র্কজুড়ে 100,000-এরও বেশি পরিবার ও বাড়ির জন্য উচ্চ মানের ইন্টারনেট অ্যাক্সেস উন্নত করার পথে রয়েছে। মহামারী শুরু হওয়ার অনেক আগে থেকেই, আপস্টেট নিউ ইয়র্কজুড়ে কমিউনিটিগুলো, গ্রামীণ কমিউনিটি থেকে শুরু করে প্রাণচঞ্চল শহুরে এলাকা পর্যন্ত, সাশ্রয়ী, উচ্চ-গতির ইন্টারনেট সেবা পেতে সংগ্রাম করে আসছে। এসব ফেডারেল ডলার সরাসরি এই ডিজিটাল বিভেদ কমিয়ে আনার কাজে ব্যয় হবে, যার মানে হলো কমিউনিটিগুলোকে ভালো বেতনের কর্মসংস্থানের সাথে সংযোগ করিয়ে দেওয়া, উন্নত স্বাস্থ্যসেবা, এবং আমাদের স্কুলগুলোতে উচ্চ মানের শিক্ষা। স্টেটজুড়ে আরো বেশি সমতাপূর্ণ ব্রডব্যাল্ড অ্যাক্সেসযোগ্যতা প্রদান করতে এবং আজকের দিনের ডিজিটাল অর্থনীতিতে সমৃদ্ধি অর্জন করতে নিউ ইয়র্কবাসীদেরকে সাহায্য করতে 100 মিলিয়ন ডলারের এই বৃহৎ বিনিয়োগ পৌঁছে দিতে পেরে আমি গর্বিত।"

**সিনেটর ক্রিস্টেন গিলিব্র্যান্ড বলেন,** "100 মিলিয়ন ডলারের ফেডারেল তহবিল পাওয়ার ঘোষণা দিতে পেরে আমি গর্বিত, যে তহবিল নিউ ইয়র্ক স্টেট জুড়ে হাজার হাজার পরিবারের কাছে উচ্চ-গতির ইন্টারনেট পৌঁছে দেওয়ার জন্য ব্যবহৃত হবে। ব্যবসা প্রতিষ্ঠান, স্বাস্থ্যসেবা, স্কুল এবং অন্যান্য খাতের জন্য উচ্চ মানের ব্রডব্যাল্ড কতটা গুরুত্বপূর্ণ তা আমরা মহামারী চলাকালীন সময়ে দেখেছি। একারণেই, আমেরিকান রেসকিউ প্ল্যান রচনা করার সময় আমরা ব্রডব্যাল্ড পৌঁছে দেওয়ার জন্য শক্তিশালী অর্থায়নের বিষয়টি অন্তর্ভুক্ত করেছিলাম, যা নতুন অর্থনৈতিক সুযোগ-সুবিধা তৈরি করতে পারবে, সম্পত্তির মূল্য বৃদ্ধি করতে পারবে এবং লোকজনের জীবন ও স্বাস্থ্য সম্পর্কিত ফলাফল উন্নত করতে পারবে। এই প্রকল্প সচল করার জন্য হোয়াইট হাউস, লিডার স্কুমার এবং গভর্নর হোকলের সঙ্গে কাজ করতে পেরে আমি উচ্ছসিত।"

নতুন ফেডারেল বিনিয়োগটি আমেরিকান রেসকিউ প্ল্যানের 10 বিলিয়ন ডলারের মূলধনী প্রকল্পের তহবিল (Capital Projects Fund, CPF) থেকে আসছে, যে কর্মসূচিটি কোভিড-19 মহামারীর কারণে বিশেষ করে গ্রামীণ আমেরিকা, উপজাতি কমিউনিটি, এবং নিম্ন ও মধ্যম আয়ের কমিউনিটিগুলোতে অবস্থার অবনতি হওয়া চ্যালেঞ্জগুলো মোকাবেলা করার জন্য তৈরি করা হয়েছে। CPF-এর একটি মূল অগ্রাধিকার হচ্ছে সব কমিউনিটি যাতে অতি গুরুত্বপূর্ণ পরিষেবাসমূহ অ্যাক্সেস করার জন্য প্রয়োজনীয় উচ্চ-মানসম্মত আধুনিক অবকাঠামো, যেমন নির্ভরযোগ্য, সাশ্রয়ী উচ্চ গতির ব্রডব্যাল্ড অ্যাক্সেস করতে পারে সে বিষয়টি নিশ্চিত করতে সাহায্য করার জন্য তহবিলের ব্যবস্থা করা। নিউ ইয়র্কের সাশ্রয়ী আবাসিক সংযোগ কর্মসূচি (Affordable Housing Connectivity Program) হচ্ছে নিম্ন-আয়ের আবাসিক ভবনগুলোতে উচ্চ গতির, নির্ভরযোগ্য ব্রডব্যাল্ড অবকাঠামো পৌঁছে দেওয়ার কাজে অর্থায়ন করার জন্য তৈরি একটি প্রতিযোগিতামূলক অনুদান কর্মসূচি। সাশ্রয়ী আবাসিক ইউনিটগুলোতে ইন্টারনেট অ্যাক্সেস উন্নত করার জন্য CPF তহবিল ব্যবহার করা হবে। কোষাগার বিভাগের কাছে জমা দেওয়া এবং আজ অনুমোদিত হওয়া পরিকল্পনাটি মূলধনী প্রকল্প তহবিল (Capital Project

Funds) কর্মসূচির আওতায় স্টেটের মোট বরাদ্দের 29 শতাংশের প্রতিনিধিত্ব করে। নিউ ইয়র্ক তাদের অবশিষ্ট মূলধনী প্রকল্প তহবিলের জন্য পরিকল্পনা জমা দিয়েছে এবং এসব আবেদন বর্তমানে কোষাগার বিভাগের পর্যালোচনাধীন রয়েছে।

আজকের বিনিয়োগ বাইপার্টিজান অবকাঠামো ও কর্মসংস্থান আইনের মাধ্যমে পাওয়া ঐতিহাসিক ফেডারেল তহবিলের সঙ্গে যোগ হচ্ছে, যার মধ্যে সেবা থেকে বঞ্চিতদের সংযুক্ত করার জন্য উচ্চ-গতির ইন্টারনেট সম্প্রসারণ, ইন্টারনেটকে সাশ্রয়ী করে তোলা, এবং ডিজিটাল স্বাক্ষরতার জন্য সংস্থানসমূহ প্রদান করার জন্য রেকর্ড পরিমাণ 65 বিলিয়ন ডলারের তহবিল অন্তর্ভুক্ত রয়েছে। ডিজিটাল বিভেদ কমিয়ে আনার জন্য - সুবিধাবঞ্চিত কমিউনিটিগুলোতে উচ্চ-গতির ইন্টারনেট সেবা প্রদান করা এবং যাদের সামর্থ্য নেই তাদের জন্য খরচ কমিয়ে আনার জন্য বাইপার্টিজান অবকাঠামো আইন এবং আমেরিকান রেসকিউ প্ল্যান একসঙ্গে পাশাপাশি কাজ করছে।

এই তহবিল ঐতিহাসিক ফেডারেল বিনিয়োগের সঙ্গে যোগ হচ্ছে। গভর্নর হোকলের নেতৃত্বের অধীনে নিউ ইয়র্ক ডিজিটাল বিভেদ কমিয়ে আনার ক্ষেত্রে দেশকে নেতৃত্ব দিয়ে যাচ্ছে। গত বছর, নিউ ইয়র্ক নিম্ন-আয়ের পরিবারগুলোতে ব্রডব্যান্ড অ্যাক্সেস সম্প্রসারণের জন্য দেশব্যাপী ভর্তুকি প্রদান করার ফেডারেল সাশ্রয়ী সংযোগ কর্মসূচিতে এক মিলিয়ন যোগ্য পরিবারকে অন্তর্ভুক্ত করেছে। বাইপার্টিজান অবকাঠামো আইনের মাধ্যমে তহবিলপ্রাপ্ত এই ফেডারেল কর্মসূচি উপযুক্ত নিম্ন-আয়ের পরিবারগুলোকে ইন্টারনেট পরিষেবার জন্য প্রতি মাসে 30 ডলার পর্যন্ত ছাড় প্রদান করে থাকে।

ঐতিহাসিক ফেডারেল ব্রডব্যান্ড তহবিলের সঙ্গে অংশীদারিত্বের মাধ্যমে, গভর্নর হোকলের 1.2 বিলিয়ন ডলারের কানেক্টঅল উদ্যোগ ম্যাপিং ও ডাটা সংগ্রহ; মিউনিসিপ্যাল পর্যায়ের উন্মুক্ত অ্যাক্সেস সম্পন্ন অবকাঠামো, গ্রামীণ ব্রডব্যান্ড প্রকল্প, এবং উদ্ভাবনমূলক পরিষেবা পৌঁছে দেওয়ার পাইলট প্রকল্পে সহায়তা করার জন্য অনুদান কর্মসূচি; সাশ্রয়ী আবাসনে ব্রডব্যান্ড উন্নয়ন; ডিপ্লয়মেন্ট সহজতর করা এবং নিয়ন্ত্রক প্রতিবন্ধকতাসমূহ দূর করার জন্য পুনর্গঠন; এবং একটি স্টেটব্যাপী ডিজিটাল সমতা পরিকল্পনা এবং ডিজিটাল সমতা অনুদান কর্মসূচি উন্নয়নের জন্য উল্লেখযোগ্য বিনিয়োগ করেছে। কোথায় নিউ ইয়র্কবাসীর ইন্টারনেটের ঘাটতি রয়েছে তা আরো ভালোভাবে দেখানোর জন্য কংগ্রেস ব্রডব্যান্ড ডাটা আইন পাশ করেছে। গত বছর, কানেক্টঅল অফিস ব্রডব্যান্ড সেবা না পাওয়া অথবা যথাযথভাবে না পাওয়া নিউ ইয়র্কের কমিউনিটিগুলোর চাহিদা আরো ভালোভাবে মোকাবেলা করতে সাহায্য করতে 31,000-এরও বেশি ঠিকানা প্রদান করার মাধ্যমে ফেডারেল FCC ব্রডব্যান্ড ডাটা সংগ্রহে সম্পূর্ণক ভূমিকা পালন করেছে।

**এম্পায়ার স্টেট ডেভেলপমেন্টের (Empire State Development) প্রেসিডেন্ট, CEO ও কমিশনার হোপ নাইট বলেন,** "নির্ভরযোগ্য, অ্যাক্সেসযোগ্য ও সাশ্রয়ী ব্রডব্যান্ড আমাদের অর্থনীতির জন্য এবং আমাদের জীবনযাপনের মান বজায় রাখার জন্য অপরিহার্য। এই ফেডারেল তহবিল আমাদের কানেক্টঅল কর্মসূচির একটি অতি গুরুত্বপূর্ণ উপাদান এবং এটি সব নিউ ইয়র্কবাসী, বিশেষ করে ঐতিহাসিক কাল থেকে পিছিয়ে পড়া কমিউনিটিগুলোতে সবার মধ্যে সংযোগ তৈরি করবে।"

**নিউ ইয়র্ক স্টেট হোমস এন্ড কমিউনিটি রিনিউয়াল (New York State Homes and Community Renewal)-এর কমিশনার রুথ অ্যান ভিসনাউকাস বলেন,** "অত্যন্ত দ্রুত গতির ফাইবার ইন্টারনেট, যা আমরা অনেকেই নিশ্চিত বিষয় হিসেবে ধরে নিই, অনেক বেশি সংখ্যক নিউ ইয়র্কবাসীর নাগালের বাইরে রয়ে গেছে, যার ফলে একটি ডিজিটাল বিভেদ তৈরি হয়েছে যা কমিয়ে আনার জন্য গভর্নরের কানেক্টঅল ইনিশিয়েটিভ সাহায্য করবে। 100 মিলিয়ন ডলারের এই উদার ফেডারেল অনুদান আক্ষরিক অর্থেই 100,000 অ্যাপার্টমেন্টে দ্রুত গতির সংযোগ স্থাপন করে সরাসরি ভাড়াটিয়াদের কাছে দ্রুত গতির, কম-ব্যয়বহুল, ও উচ্চ-মানের ইন্টারনেট পৌঁছে দিবে। কোনো ভবনে ইতোমধ্যে ব্রডব্যান্ড ওয়্যারিং রয়েছে কিনা তা নির্বিশেষে, সাশ্রয়ী আবাসন মালিকদের মধ্যে যারা নিজেদের উপযুক্ত বলে মনে করছেন তারা পরীক্ষিত, যোগ্য ইন্টারনেট সেবা প্রদানকারীদের সৌজন্যে বিনা খরচে ফাইবার-ইন-ইউনিট ইনস্টলেশন পাবেন কিনা তা দেখার জন্য আমাদের ওয়েবসাইট চেক করতে তাদের প্রত্যেককে আমি উৎসাহিত করছি।"

**নিউ ইয়র্ক স্টেটের সাশ্রয়ী আবাসন বিষয়ক অ্যাসোসিয়েশনের (New York State Association for Affordable Housing) প্রেসিডেন্ট ও CEO জোলি মিলস্টেন বলেন,** "সাশ্রয়ী আবাসন শিল্প অনেক আগেই বুঝতে পেরেছে যে এটি ডিজিটাল বিভেদ কমিয়ে আনার জন্য একটি গুরুত্বপূর্ণ ভূমিকা পালন করতে পারে, এবং এই তহবিল সেই লক্ষ্য বাস্তবায়ন করতে আমাদেরকে সাহায্য করবে। স্টেটজুড়ে আমাদের সদস্যদের ভবনগুলোতে ভাড়াটিয়া হিসেবে বসবাসকারী সুবিধাবঞ্চিত অধিবাসীদের জন্য ব্রডব্যান্ড সেবা পৌঁছে দেওয়া NYSAFAH-এর একটি উল্লেখযোগ্য ফোকাস হিসেবে রয়ে গেছে। এসব গুরুত্বপূর্ণ সংস্থান সম্পর্কিত এই ঘোষণাকে আমরা স্বাগত জানাই এবং সবচেয়ে বেশি সংখ্যক অভাবী নিউ ইয়র্কবাসীর কাছে সংযোগ পৌঁছে দেওয়ার জন্য সেগুলো বিনিয়োগ হওয়ার বিষয়টি নিশ্চিত করার প্রত্যাশা রাখি।"

###

আরো সংবাদ এখানে পাওয়া যাবে [www.governor.ny.gov](http://www.governor.ny.gov)  
নিউ ইয়র্ক স্টেট | এক্সিকিউটিভ চেম্বার | [press.office@exec.ny.gov](mailto:press.office@exec.ny.gov) | 518.474.8418